

“Abu Ali ibn Sino – O’zbekiston g’ururi va jahon merosi” xalqaro anjumani-olimlar va yoshlar fikrlar almashinuv maydoni bo’ldi



Bugun Toshkent muzeyida mustaqilligimizning 33 yilligi munosabati bilan O’zbekiston tarixi davlat muzeyi, Ibn Sino jamoat fondi, “O’zbekiston tarixi” telekanali va Pavel Benkov nomidagi Respublika ixtisoslashtirilgan rassomlik maktabi bilan hamkorlikda “Abu Ali ibn Sino – O’zbekiston g’ururi va jahon merosi” mavzusidagi an’anaviy xalqaro anjuman va ko’rgazma bo’lib o’tdi. Ushbu anjumanda sharqshunoslar, tarixchilar, faylasuflar, islomshunoslar, shifokorlar, shuningdek, NNT vakillari, jamoatchilik va OAV vakillari ishtirot etdi.

Ushbu tadbir doirasida O’zbekiston tarixi davlat muzeyi va Ibn Sino jamoat fondi o’rtasida hamkorlik memorandumi imzolandi. Pavel Benkov nomidagi Respublika ixtisoslashtirilgan rassomlik maktabi o’quvchilari tomonidan yaratilgan 200 dan ortiq badiiy asarlar ko’rgazmasi tashkil etildi, eng yaxshi san’at asarlari saralab olindi va bir qator yosh iqtidorli rassomolar Ibn Sino jamoat fondi mukofotlari bilan taqdirlandi va ularga esdalik sovg’alar taqdim etildi. Yoshlar ijodi asosida tashkil etilgan ko’rgazma tahsinga sazovor. Rassom yoshlarimizning keng dunyoqarashi, o’ziga xos tasavvur olami bilan tanishish imkoniga ega bo’ldik. Xalqaro ilmiy anjumanda ham Abu Ali ibn Sino hayoti, ilm-fanga qo’shgan hissasi alohida tilga olindi. O’zbekiston tarixi davlat muzeyi direktori Jannat Ismoilova tadbirda ishtirot etayotgan yoshlar uchun tarbiyaviy ahamiyatga ega bo’lgan “Ibn Sino talqinida tarbiya va axloq masalalari” mavzusida taqdimot qildilar. “O’zbekiston tarixi” telekanali direktori Shuhrat Hayitov o’z nutqlarida ilm-fan targ’iboti bugun juda muhim masala ekanligini alohida ta’kidlab, “O’zbekiston tarixi” telekanali olimlar kanali, olimlar uchun minbar ekanligini aytib o’tdilar. Buyuk ajodolarimiz ilmiy merosini o’rganish va uni OAV targ’ib etish bugun uchun g’oyatda muhim masala hisoblanishini kuyunib so’zladi. Tadbirda ishtirot etgan olimlar rassom yoshlarga Ibn Sino shaxsini to’laroq anglatishga harakat qilishdi. Bugungi ma’ruzalardan so’ng yosh rassomlar Abu Ali ibn Sino obrazini o’z asarlarida yanada mukammal

yaratishlariga ishonchimiz komil.